

山西通志
(八)

山西通志
卷八
藝文志
八

山西通志卷第二百二十一

山西巡撫都察院右副都御史 覺羅石麟奉

旨修輯

藝文 四十 詩二

七古

陶唐

神人賜古今樂錄曰堯郊天地祭神座上有響謠堯曰方全焉命子救之堯乃作歌謝希逸琴論

堯帝所作

清廟穆兮承子宗百寮肅兮于寢堂齎禱進福求年豐有禱在坐救予爲害在元中欽哉昊天德不隆承命任禹寫中宮漢

寶鼎詩

班固

山西通志

卷二百二十一 藝文 一

嶽修貢兮川效珍吐金景兮歆浮雲寶鼎見兮色紛緼煥其炳兮被龍文登祖廟兮享聖神昭靈德兮彌億年唐

汾陰行

李嶠

君不見昔日西京全盛時汾陰后土親祭祠齋宮宿寢設儲供撞鐘鳴鼓樹羽旂漢家五葉才且雄賓延萬靈服九戎柏梁賦詩高宴罷詔書發駕幸河東河東太守親掃除奉迎至尊尊鑾輿五營夾道列容衛三河縱觀空里閭迴旌駐蹕降靈場焚香奠醑邀百祥金鼎發色正焜煌靈祇煒燁據景光埋玉陳性禮神畢舉麾上馬乘輿出彼汾之曲嘉可游木蘭爲檝桂爲舟棹歌微吟綵鷁浮簫鼓哀鳴白雲秋歡娛宴洽賜羣后家家復除尸牛酒聲明動天樂無有千秋萬歲南山

壽自從天子向秦關玉輦金車不復還珠簾羽扇長寂寞鼎湖龍髯安可攀千齡人事一朝空四海爲家此路窮雄豪意氣今何在壇場官館盡蒿蓬路逢故老長歎息世事回環不可測昔時青樓對歌舞今日黃埃聚荆棘山川滿目淚沾衣富貴榮華能幾時不見祇今汾水上惟有年年秋鴈飛

巡邊在河北作

張說

去年六月西河西今年六月北河北沙場曠路何爲爾重氣輕生知許國人生在世能幾時壯年征戰愛如絲會待安邊報明主作頌封山也未遲

送考功武員外學士使嵩山署舍利塔

山西通志

卷二百二十一 藝文 二

懷玉泉戀仁者寂滅真心不可見空留影塔嵩巖下寶王四海轉千輪金曇百粒送分身山中二月娑羅會虛唄遙遙愁思人我念過去微塵劫與子禪門同正法雖在神仙蘭省間常持清淨蓮花葉來亦好去亦好了觀車行馬不移當見菩提離煩惱

霍將軍

崔顥

長安甲第高入雲誰家居仕霍將軍日晚朝回擁賓從路傍揖拜何紛紛莫言炙手可熱須臾火盡灰亦滅莫言貧賤即可欺人生富貴自有時一朝天子賜顏色世上悠悠應自知

送劉四赴夏縣

李頎

九霄特立紅鸞姿萬仞孤生玉樹枝劉侯致身能若此天骨自然多歎美聲名播揚二十年足下長途幾千里舉世皆親承相閣我心獨愛伊川水脫略勢利猶埃塵嘯傲時人而已

矣新時數歲卽文雄上書昔召蓬萊宮明主拜官麒麟閣光
車駿馬看玉童高人往來廬山遠隱士往來張長公扶南甘
蔗甜如蜜雜以荔枝龍州橘赤縣繁詞滿劇曹白雲孤峰暉
永日朝持手板望飛鳥暮誦楞伽對空室一朝出宰汾河間
明府下車人吏閑端坐訟庭更無事開門咫尺巫咸山男耕
女織蒙惠化麥熟雉鳴長秋稼明年九府議功時五辟三徵
當在茲聞道桐鄉有遺老邑中還欲置生祠

寄王屋山人孟大融

李白

我昔東海上勞山餐紫霞親見安期公食棗大如瓜中年謁
漢主不恆還歸家朱顏謝春輝白髮見生涯所期就金液飛
步登雲車願隨夫子天樞上閑與仙人掃落花

憶舊遊寄譙郡元參軍

山西通志

卷三十二 藝文

三

憶昔洛陽董糟邱爲余天津橋南造酒樓黃金白璧買歌笑
一醉累月輕王侯海內賢豪青雲客就中與君心莫逆迴山
轉海不作難傾情倒意無所惜我向淮南攀桂枝君留洛北
愁夢思不忍別還相隨相隨迢迢訪仙城三十六曲水迴縈
一溪初入千花明萬壑度盡松風聲銀鞍金絡倒平地漢東
太守來相迎紫陽之真人邀我吹玉笙餐霞樓上動仙樂嘈
然宛似鸞鳳鳴袖長管催欲輕舉漢中太守醉起舞手持錦
袍覆我身我醉橫眠枕其股當筵意氣凌九霄星離雨散不
終朝分飛楚關山水遙余既還山尋故巢君亦歸家渡渭橋
君家嚴君勇貔虎作尹并州遏戎虜五月相呼度太行摧輪
不道羊腸苦行來北涼歲月深感君貴義輕黃金瓊杯綺食
青玉案使我醉飽無歸心時時出向城西曲晉祠流水如碧

王浮舟弄水簫鼓鳴微波龍鱗莎草綠興來携妓恣經過其
若楊花似雪何紅粧欲醉宜斜日百尺清潭寫翠娥翠娥嬋
娟初月輝美人更唱舞羅衣清風吹歌入空去歌曲自繞行
雲飛此時行樂難再遇西遊因獻長楊賦北闕青雲不可期
東山白首還歸去渭橋南頭一遇君鄼臺之北又離羣問余
別恨知多少落花春暮爭紛紛言亦不可盡情亦不可極呼
兒長跪緘此辭寄君千里遙相憶

送孫徵赴雲中

韋應物

黃驄少年舞雙戟目視傍人皆辟易百戰曾誇隴上兒一身
復作雲中客寒風動地氣蒼茫橫吹先悲出塞長敲石軍中
傳夜火斧冰河畔汲朝漿前鋒直指陰山外虜騎紛紛翦應
碎匈奴破盡看君歸金印酬功如斗大

山西通志

卷三十二 藝文

四

輪臺歌奉送封大夫出師西征

岑參

輪臺城頭夜吹角輪臺城北旄頭落羽書昨夜過渠黎單于
已在金山西戍樓西望煙塵黑漢兵屯在輪臺北上將擁旄
西出征平明吹笛大軍行四邊伐鼓雲海湧三軍大呼陰山
動虜塞兵氣連雲屯戰場白骨纏草根劍河風急雲片濶沙
口石凍馬蹄脫亞相勒王甘苦辛誓將報主靜邊塵古來青
史誰不見今見功名勝古人

雲中行

薛奇童

雲中小兒吹金管向曉因風一川滿塞北雲高心已悲城南
木落腸堪斷憶昔魏家都此方涼風觀前朝百王千門曉映
山川色雙闕遙連日月光舉杯稱壽永相保日久歌鍾徹清
吳將軍汗馬百戰場天子射獸五原草寂寞金輿去不歸陵

上黃塵滿路飛河邊不語傷流水川上含情歎落暉此時獨立無所見日暮寒風吹客衣

狄明府

杜甫

梁公會孫我姨弟不見十年官濟濟大賢之後竟陵遲浩蕩古今同一體比看叔伯四十人有才無命百寮底今者兄弟一百人幾人卓絕秉周禮在汝更用文章爲長兄白眉復天啓汝門請從會翁說太后當朝多巧詆狄公執政在末年濁河終不污清濟國嗣初將付諸武公獨延諍守丹陛禁中決冊請房陵前朝長老皆流涕太宗社稷一朝正漢官威儀重昭洗時危始識不世才誰謂茶苦甘如齋汝曹又宜列土食身使門戶多旌榮胡爲漂泊岷漢間干謁王侯頗歷抵况乃山高水有波秋風蕭蕭露泥虎之飢下巉岳蛟之橫出清山西通志卷二百二十二藝文五

泚早歸來黃土泥衣眼易眯

柳宜城鵲巢歌并序

顧况

俗傳鵲巢在南令人貧窮多口舌東西家者已斫樹枝公獨任其乳育於鳥如此於人可知况承命歌曰相公宅前楊柳樹野鵲飛來復飛去東家斫樹枝西家斫樹枝東家西家斫樹枝發遣野鵲巢何枝相君處分留野鵲一月生得三箇兒相君長命復富貴口舌貧窮徒爾爲

棲巖寺隋文帝瑪瑙盞歌

盧綸

天宮寶器隋朝物鑲在金函比金骨開函捧之光乃發阿修羅王掌中月五雲如拳輕復濃昔曾嘔酒今藏龍規形環影相透徹亂雪繁花千萬重可憐貞質無今古可歎隋陵一坏土宮中艷女滿宮春得親此寶能幾人一留寒殿殿將壞唯

有幽光通隙塵山中老僧猶似雪忍死相傳保局鐫

登天壇夜見海

李益

朝遊碧峯三十六夜上天壇月邊宿仙人攜我奉玉英壇上夜半東方明僊鐘撞撞近海日海中離離三山出霞梯赤城遙可分霓旌絳節倚彤雲八鸞五鳳紛在御王母欲上朝元君羣仙指此爲我說幾見塵飛滄海竭竦身別我期丹宮空山處處遺清風九州下視杳未旦一半浮生皆夢中始知武皇求不死去逐瀛洲美門子

太原鄭尚書遠寄新詩走筆酬贈因代書賀

權德輿

曉開閭闔出絲言其喜全才鎮北門職重油幢推上略榮兼革履見深恩昔歲經過同二仲登朝並命慙無用曲臺分季

山西通志

卷二百二十二藝文

六

奉齋祠直筆繫年陪侍從芬芳雞舌向南宮伏奏丹墀跡又同公望數承黃紙詔虛懷自號白雲翁戎裝蹀躞紛出祖金印煌煌寵司武時看介士閱犀渠每狎儒生冠章甫晉祠汾水古并州千騎雙旌居上頭新握兵符應感激遠緘詞句更風流綈衣諸侯諒稱美白衣尚書何可比只今麟閣待丹青努力加餐報天子

長平箭頭歌

李賀

漆灰骨末丹水沙淒淒古血生銅花白翎金鏐雨中盡直餘三脊殘狼牙我等平原乘兩馬驛東石田蒿塢下風長日短星蕭蕭黑旗雲淫懸空夜左魂右魄啼肌瘦酪瓶倒盡將羊炙蟲棲鴈病蘆笳紅迴風送客吹陰火訪古洮瀾收斷鐵折鋒赤聖曾封肉南陌東城馬上兒勸我將金換繁竹

呂將軍歌

呂將軍騎赤兔獨搗大膽出秦門金粟堆邊哭陵樹北方逆氣汁青天劍龍夜叫將軍開將軍振袖揮劍鏑玉闕朱城有門閣盧盧銀龍搖白馬傳初女即火旗下恒山鐵騎請金槍遙聞簾中花箭香西郊寒蓬葉如刺皇天新裁養神驥廐中高栢排蹇蹄飽食青芻飲白水圓蒼低迷蓋張地九州人事皆如此赤山秀鉅靈時英綠眼將軍會天意

蒲關西道中作

李山甫

國東王氣凝蒲關樓臺帖出晴空間紫煙橫捧大舜廟黃河直打中條山地鎖咽喉千古壯風傳歌吹隼家閑來來去身依舊木及潘年燼已斑

首陽山

吳融

山西通志

卷二百二十二 藝文

七

首陽山枕黃河水上有兩人曾餓死不同天下人為非兄弟相看自為是遂令萬古識君心為臣貴義不貴身精靈長在白雲裏應笑隨時飽死人

遠公亭牡丹

許棠

鴈門禪客吟春亭牡丹獨逞花中英雙成賦臉假雲屏百般姿態因風生延年不敢歌傾城朝雲暮雨愁娉婷紫綵蟻脚粘不行甜迷蜂醉飛無聲廬山根脚含精靈發妍吐秀叢君庭溢江太守多閑情欄朱繞絳留輕盈綠綠體當風傾平頭奴子歌銀筵紅葩盤盤交重星左文右武憐君榮白銅鞮上懸清明

宋

絳守居園池

歐陽修

嘗聞紹述絳守居偶來覽登周四隅異哉樊子惟可吁心欲獨出無古初窮荒搜幽入有無一語詰曲百盤紆執云已出不剽襲句斷欲學盤庚書荒烟古木蔚遺墟我來嗟祇得其餘柏槐端莊偉丈夫若顏鬢鬢老不枯觀容新麗一何殊清池翠蓋擁紅藥胡牖虎搏豈足道記錄細碎何區區處氏八卦畫河圖禹湯皋虬啓唐虞豈不古與萬世模嫉世姦巧習甲汗以奇矯薄駭羣愚用此猶得追韓徒我思其人為躊躇作詩聊謔為坐娛

遊晉祠

歐陽修

古城南出十里間鳴渠夾路何潺潺行人望祠下馬謁退即祠下窺水源地靈草木得餘潤鬱鬱古柏含蒼烟并州自古事豪傑戰爭五代幾百年天開地闢真主出猶須再駕方凱

山西通志

卷二百二十二 藝文

八

旋頑民盡遷高壘削秋草白綠埋空阡并人昔遊晉水土清澈照耀滿朱顏晉水今入并州裏稻花漠漠澆平田廢興彷彿無舊志氣象寂寞於山川惟有祖宗聖功業千戈象舞被管絃我來覽登為太息暫照白髮臨清泉鳥啼人去廟門闔還有山月來娟娟

絳守居園池

梅堯臣

老柏麝不食古色浸青天沼淺龍不久秋水生浮萍屋廬圯聖幾太守壁上彪蔚遺刊青黑石鐫辭澁如棘今昔往來人不識酸醅欲扶無聲形既不可問不可聽懸泉瀉寶書未停飛玉貯藍光入屏苞潭梁島甲癸丁蔓刺交綴垂組紕蒼官屬槐嶺在庭風虫日為聲嚶嚶丹葩木果粘枝藤集臺脫熱昏病醒樊文韓詩怪若是徑取一二傳優伶仍寄河東薛太

守吏與斟酌無閑局

琵琶泓

楊謨

晉城出郭十里餘嫩柳山花滿巖麓蒼苔踏蹬步亦艱百丈懸崖掛層屋老僧正睡門不開習習陰風起幽谷耳聾不聞琵琶聲但見一泓春水綠

重經車輞谷

司馬光

昔年道經車輞谷直上七里盤南坡今年行役復到此方春汗流如翻波中途太息坐磐石涕泗不覺雙滂沱我生微尚在邱壑強若麋鹿嬰虞羅人踰三十只有老後時過此知如何雲泉佳處須速去登山筋力休蹉跎

苦寒行

窮冬北上太行嶺霰雪糾結風崢嶸熊潛豹伏飛鳥絕一逕僅可通人行僮僕馬羸石磴滑戰慄流汗皆成冰妻愁兒號強相逐萬險歷盡方到并并州從來號慘烈今日乃信非虛名陰煙苦霧朝不散旭日不復能精明跨鞍攬轡趨上府炙拳鬚礫指欲零炭爐炙硯湯涉筆重復書字終難成誰言醇醪能獨立壺腹迸裂無由傾石脂裝火近不熱蓬勃氣入頭顱腥仰慙鴻鴈得自適隨陽南去何演演又慙鴛鳥識時節巖穴足以潛微形我來蓋欲報忘分契澗非徇利與榮古人有爲知已死只恐凍骨埋邊庭中朝故人豈念我重裘厚履飄華纓傳聞此北更寒極不知彼民何以生

山西通志

卷二百二十二 藝文

九

龍子祠農人享神

王士元

晉州之西山曰貌姑有泉源源流不瀦疏爲八道溝與渠坐令瘠土成膏腴多黍多稌多麻蔬云云萬畝碁局如田家終

歲惟勤劬雖有乾旱無憂虞割牲醢酒父老趨坎坎擊鼓吹笙竿報答龍神醉飽餘宛若澤國江鄉居晉州之東民豈迂耕種自亦爲農夫年年汲井井欲枯赤日炙背田不濡父子筋力疲輓轡肩頰汗浹良區區老我見此空嗟吁誰把勞逸分兩途凶年且爲寬賦租

論學

孫復

冥觀天地何云爲茫茫萬物爭蕃滋羽毛鱗介各異趣披攘攫搏紛相隨人亦其間一物耳餓食渴飲無休時苟非道義充其腹何異鳥獸安鬚眉人生在學勤始至不勤求至無由期孟軻荀況楊雄氏當時未必皆生知因其鑽仰久不已遂入聖域爭先馳既學便當窮遠大勿事聲病淫哇辭斯文下衰吁已久勉思駕說扶顛危擊暗昧明大道身與姬孔爲

山西通志

卷二百二十二 藝文

十

勸學

黃廉

河東人物氣勁豪澤州學者如牛毛大家子弟弄文墨其次亦復誇弓刀去年校射九百人五十八人同賜袍今年兩科取進士十子鈞海登靈臺邇來習俗益遷善家家門戶爭相高驅兒市上買書讀寧使田間禾不薈我因行縣飽聞見訪問終日忘勤勞太平父老知此否語汝聖世今難遭欲令王民盡知教先自鄉里蒸羣髦古云將相本無種從今著意鞭兒曹

留題洪慶觀

隔岸山如巖獅子背看松林閑掉尾天際蒼茫落數峰青虬下飲黃河水洪濤日夜洗崖脚容易沙洲忽生嘴浮嵐積霧

增氣象同抱湯城來迤邐聖世封疆屬鄉縣令宰衙門對山
起朝看片雲浮簷棟暮雨逡巡周百里可憐居民老蒼翠未
省勞生有塵滓乘輶亦復愧斯人特地郵亭解行李

遊萬固白石寺

程顥

條山蒼蒼河水黃中蒲形勝天下強帝得賢侯殿一方四年
不更慰民望元逢戊午季春月上心憫雨愁黎蒼使車四百
走羣望我亦奉命來侯疆精誠感格天意順詔書纔下雨已
憐病麥還青禾出土野農鼓舞歌君王故人相見不道舊爲
兩歡喜殊未央聖主寬憂小臣樂自可放蕩舒胸腸白石萬
固皆勝地主人爲我携壺觴况逢佳日俗所尚車馬未曉填
康莊扶携十里雜老幼迤邐千騎明戈鎗初聽鳴鐃入霧靄
漸見朱旆輝朝陽遊頭自是謝康樂後乘獨慚元漫即侯來

山西通志

卷二百二十二 藝文

上

知雖有賓客衆喜更爲將豐穰臨溪坐石偏巖谷幽處往往
聞絲簧山光似迎好客動日影定爲遊人長乘高望遠興不
盡戀戀不知岐路忙人生汨沒苦百態得此樂事真難常我
辭佳境已惆悵侯亦那得久此鄉他時會合重相語辜負泉
石何能忘

首陽山行

郭士道

首陽山青龍崑上聳紫蓋凌瑤空下周林壑盤蒼龍差巖自
太古崱嶷鎮寰中黃河西來遶其下日夕雲氣開鴻濛恍疑
鬼神護又似丹青工諸峰不敢並蒼翠光玲瓏我生癖性愛
山水見此奇絕摩雙瞳忽憶武王收諸夏夷齊叩馬來山東
風雲變化適際會恥逐龍虎爭奇功歸來守岩穴鬱鬱抱孤
忠朝采山上蕨暮拾山下蓬渴飲澗中水熱眠雲外松旣不

學赤松子又不侶商山翁丹誠耿耿照白日勁節凜凜摩蒼
穹首陽青青萬古色不改夷齊之心胸直與天地相始終千
載扶名教二子功無窮我歌首陽歌未歇冷然八表生清風

子夏山

趙瞻

山因先師成令各人心仰止懸青冥文侯北面款山扃石室
至今猶南傾直松萬林天籟聲長材大棟資連甍溪泉四出
照骨清潤物功溥民罔爭朝今新雲澤根莖暮今和風發勾
萌山川氣稟天地英民何知爲夫子靈魏最稱治由師經晉
俗自是多諸生時尚辭華取未精皓首學行徒修明非無神
降弼王庭國朝當議平文衡斯文未喪吾道亨商之傳授今
可行

比干臺

山西通志

卷二百二十二 藝文

上

九關大壞一木支勢知不可誠不欺商之三仁異所歸死諫
不欲狂因爲賢哉萬世忠臣師北干而已前其誰諫不當顯
何所持忠必愛君無拂辭帝舜載虞歌康隲風雅比與陳盛
衰君賢臣聖流書詩光華榮輝同歲難扶起不欲憂顛危剖
心血頸鼎鑊糜此意不獨在一時死者一傳星日垂猶有佞
人乘其機順正逢惡稱諷規甘言好語解人頤如饕餮食角寢
不肯聰明蔽密部莫知微干之節世亦疑章華非不窮義巍
姑蘇一同宗社移名與土滅埽無遺但爲世鑒那足識茲臺
巍巍存遺基尚覺清風酒肝脾妖狐狡兔不敢依飛沙落日
予心悲

魏文侯城

日自戰國爭雄來何城不荒爲壘培治亂興廢詎足哀矧無

名號寒於灰晉壤割裂分家陪魏至文侯功業恢三師經術
王迹開五臣禦侮彈敵摧況有成子相君才吳起將兵亦偉
哉內諮禮樂古典該外強師旅騰風雷足尊天子朝靈臺烏
用此城高崔嵬城之峻矣維其頤宮之廣矣今蒿萊黍離興
難悲還同如侯萬國徒塵埃一時火燬俄燼煨惟有陋俗知
營財

題介公廟并序

張商英

介之推不忍舅犯之要君攜母以去求仁者也世傳龍蛇
章厚誣義士故有詩以辨之

十九年從晉重耳艱棘憂危同踐履田中乞食桑下謀蘭足
周旋垂萬里一心奉祀不自欺逆知天意開公子及河忽聞
舅犯言如以朝衣蹈泥滓鄙夫豈可與同行攜母入山甘隱

山西通志

卷二百二十二 藝文

七

藏公子歸來霸業強築壇踐土尊天王大夫卿士環佩鏘斬
祛寺人紛頡頏念子昔者皆奔亡舍我長逝情怛傷大蒐縱
火焚山岡烈焰不肯回剛腸嗟乎義士不可量何人謬作龍
蛇章

田器之燕子圖并序

龐鑄

器之自叙云明昌丙辰予從軍塞外野舍荒涼難以狀言
春末有雙燕亦巢此屋土人不之識屢欲捕之予曲爲全
護此燕晝出夜歸予必開戶待之忽一日飛止坐隅都無
驚畏巧語移時不去予始悟明日秋社此鳥當歸殆留別
語也因作一詩贈之云幾年塞外歷崎危誰謂烏衣亦此
飛朝向蘆陂知有爲莫投茅舍重相倚君憐我處頻迎語

我憶君時不掩扉明日西風悲鼓角君應先去我何歸此
詩以細字寫之爲蠟丸繫之燕足上明年四月予受代歸
又八年泰和甲子任潞州觀察判官四月十二日偶坐解
舍之含翠堂忽雙燕至一飛簷戶間一上硯屏予諦視之
繫足蠟丸故在乃知此鳥蓋往年贈詩者也因請同年龐
君才卿畫爲圖求諸公賦詩

田君才卿燕雲客少年累有安邊策悔從筆硯取功名直要
橫馳沙漠北塞垣春雪白皚皚東風未放元陰開烏衣之國
定何許一雙燕子能飛來三年驛舍安西道眼底鶯花無夢
到忽見低飛入短簷此身似向邯鄲覺君居海東我中原相
逢乃在穹廬前天涯流落俱爲客感時念遠空潛然長安何
限高閣闌晝夜風閒開翠幕底事猜嫌不往依甘從此地風

山西通志

卷二百二十二 藝文

七

沙惡土人嗜肉無人心一生弋獵誇從禽有巢幸穩勿浪出
汝身未必輕千金朝來莫去益狎昵物我相忘情意一但恠
重裘積漸添元是西風催社日須知音巧惟鵲鴝忽來坐隅
如告辭我方流寓未歸得爲君忍賦傷心詩詩成自述聊爲
戲繫足封之亦無意燕已歸飛我未歸刁斗聲中忽驚歲旄
頭夜落妖氛收嫖姚獻凱歸神州玉關早喜班超入北海不
聞蘇武留君才已世寧終枉幕府須賢來上黨別後歸期兩
及瓜人間秋燕十來往沈沈官舍紅芳稀葛衣燕居澹忘機
忽聞巧語入簷戶大似相識來相依一飛簷外窺庭樹一上
屏山驚不去解足分明得帛書眞是當年留別句天生萬物
禽最微固即偶耶吾不知古道益遠交情醺朝恩莫怨雲還
移當時握手悲別離一旦富貴棄如遺聞子燕歌應自疑慎

無示之嗔我譏

保德軍中秋

蔡珪

定羌城下河南流定羌城上三層樓使君置酒勞行役今夕何夕當中秋孤烟落日明天末海涵碧雲微莫合惺惺騎馬雨中歸造物戲人無乃虐統如戎鼓方三更夢回一室還虛明出門驚笑遽如許浮雲四卷秋天清誰家高會寒珠箔笑語聲從雲外落倦客明朝又短亭行人何似居人樂

題裕之家山圖

趙元

繫舟盤盤連石嶺牧馬澄澄倒山影山光水氣相混涵中有元家舊廬井鴈門一開豺虎場鴛言投迹嵩之陽青山偃蹇不可將十年竟墮兵塵黃東巖風物知猶在說與寄庵神已會一揮淡墨能似之清輝遠寄形骸外元家故山吾與隣夢山西通志 卷二百二十二 藝文 五

見不如畫圖真舊曾行處聊經眼未得歸時亦可人

底柱圖

周昂

鬼門幽險深百篙人門逼窄通兩半舟人叫渡口流血性命咫尺輕鴻毛開圖頓覺風雷怒素髮飄蕭激衰腐河東天上石不移安得此心如底柱

游法輪院

許安仁

太行岡嶺橫漫漫撐空一帶雲霞間巨檻背負數州出重重山上復有山高都城頭見松嶺突兀雙峰螺髻竝招邀折城揖王屋指顧破石瞰天井蕭蕭風葉滿山秋巖巒掩抱雲林幽攀崖轉壑路微側雖有佛刹誰曾游年豐郡邑閒無事琴酒招呼二三子題詩古壁贈山僧略記衰翁曾到此

康澤王廟迎神送神辭

毛麾

神之來兮風雨蕭蕭不破塊今不鳴條滋多稼今滿平臯享血祀兮聞歌謠神之去兮日光沉巖穴瞑兮烟雲深廟門闔今來棲禽空山水兮遺清音

仙雞詩并序

元德明

繁峙義興鎮酒家韓氏子畜一雞以善鬪雄其鄉一日敵家以藥飼雞使不知痛求與韓雞對韓雞鬪久果被傷口下領不收垂死矣一賣藥道人過其門曰我能活此韓欣然使療之里中諸兒隨看者一二十輩皆使向壁立道人以雞置籠中探手良久若摩拊然者已而取瓢水嚙之置瓢籠上卽出門兒曹惟其久不還竊視之雞喙已復生矣道人布袍草冠腋下懸青囊落魄嗜酒夜宿寺閣上韓氏子與里中人奔走求之并所臥草薦不在矣是時明昌七

山西通志

卷二百二十二 藝文

大

年仲規弟爲此鎮酒官子亦在焉作仙雞詩以記之

老雄健鬪夸擅場韓郎抱歸神色揚豈知黠兒出微倖毒手一廢不得妨毳毛散灑尚可養利嘴一唆何由張青囊道人何許來自言救藥吾有方垂髫嚙水濯殘血半喙隨手生新黃筠籠半開聞膈膈草冠已往徒驚忙神仙世有寧虛荒惜哉詭激不可量世人鷲勇天且剝況於物也資強梁敗榮枯枿變金石未若與世鍼膏肓何須變化示狡獪知君辨作淮南王蓮萊東望雲茫茫愛而不見心爲狂刀圭不願換凡骨且欲其醉無何鄉

絳州道中送鄉人

石玠

有淚欲不灑恐傷真性情有淚欲狂灑又非丈夫行展轉意如何屈世腸寸縈西山萬丈高潑潑當前迎山靈知別難向

我想慰盟吾子乃王使年質芳妙英爲朝廷耳目作稷契公卿望霖雨天下求舟楫蒼生軫車一相過河嶽需澄清顯親揚名事有在安內攘外責匪輕今當此別離何足爲重輕君不見大禹當年任治水八載于外惟經營又不見班超萬里思封侯至今邊塞咸推稱古來賢聖盡如此丈夫勲業豈苟成俛首聞至言再拜謝山靈感激少白昏離思卽清平去去西邊深致力期與傑士同光聲它時如負教赫赫有司盟

虞坂行

元好問

虞坂盤盤上青石石上車踪深一尺當時騏驎知奈何千古英雄淚橫臆龍盤污泥易所歎麟出非時聖爲泣元龜竟墮余且網老鳳常饑竹花實天生神物似有意驗以乖逢知未必若論美好是不祥正使不逢何足惜孫陽騏驎不並有世山西通志 卷二百二十二 藝文 七

并州少年行

北風動地起天際浮雲多登高一長嘯六龍忽蹉跎我欲橫江鬪蛟鼉萬弩逆射陽侯波或當大獵燕趙間黃熊朱豹皆遮羅男兒萬馬隨攜朝發細柳莫朝那埽雲黑山布陽和歸來明堂見天子黃金橫帶冠戕戕人生只作張騫傳介子遠勝僵死空山阿君不見并州少年夜枕戈破屋耿耿天垂河欲眠不眠淚滂沱著鞭忽記劉越石拔劍起舞雞鳴歌東方未明今奈何

雲巖并序

觀州倅武伯英崞縣人少日舉進士有詩名其賦剪燭刀

有吮殘瘦玉蘭心吐蹴落春紅燕尾香之句甚爲時輩所稱家故饒財第宅園亭爲河東之冠貯書有萬卷樓嘉花珍果悉自他州移植爲人多伎巧山水雜畫斷琴和墨皆極其工嘗得宜和湖石一窾竅穿漏殆若神劖鬼鑿炷香其下則烟氣四起散布槃水上濃淡霏拂有烟江疊嶂之韵吾鄉衣冠家法書名畫及藏書之多亦有伯英相上下者伯英獨恃寶石以擅奇汾晉間耳興定末伯英沒於關中楊戶部叔玉購石得之壬辰圍城中以示予且命作詩危急存亡之際不暇及也乙巳冬十一月來東平過聖與張君之新軒而此石在焉聖與名之曰雲巖予問石所從來聖與言夏津王帥得之汴梁泥塗中而以見貽予因歎山西通志 卷二百二十二 藝文 六

山西通志

卷二百二十二 藝文

六

一物之微經歷世變遷徙南北乃復爲好事者之所寶玩似不偶然乃爲詩道其故聖與三世相家以文章名海內其才情風調不減前世賀東山晏叔原故卒章以蕭閒明秀峰故事屬之

壺中九華玉屏顏紫烟著水往復還小窻虛明淡相對不數漢宮銅博山會稽禹穴深無底寶石偷來定山鬼一堆寒碧殊不凡滿谷春雲更堪喜阿欣秀發見符宇小杜才情淪骨隨摩挲不作几上看繚白紵青便千里渾沌日鑿餘空敲漏天蒸溼饒風嵐世外原無種香國海南真有補甕巖觀州愛玩頻湔祓民部平生幾嘉沐藏舟夜壑未厭深竟作新軒坐中物一天星斗入金尊掣射娉婷自有人只欠宣和鄭先覺爲君留寫五湖真

天涯山

九州上游推大南獨恨山形頗惟魯天涯一峰今日看快似
昂頭出環堵何年氣母此融結鬼鑿神創未奇古八憲玲瓏
透朝日洞穴慘淡藏雷雨各花錦石聚可喜乞與雲烟相媚
嫵半空擲下金芙蓉想得飛來自元圃傳聞絕頂更靈異云
是清都羣玉府五雲飛步吾未能風袂冷冷已輕舉東州死
愛華不注向在陋邦何足數敬亭不著謝宣城斷岸何緣比
天姥酒船何時朝復莫倒卷淖沱泥塵土喚起山靈槌石鼓
漢女湘妃出歌舞詩狂健日笑遺山飯顆不妨嘲杜甫

蟾酥池

老藁食月飽復吐天公一目頻年誓下界新增養蟾戶玉府
誰憐修月苦郡國蟾池知幾所碧玉清流水仙府小蟾徐行

山西通志

卷二百二十二 藝文

九

服如鼓大蟾張頤怒於虎渠家箝間有黃乳膏梁太子正須
汝誰家敢與月復讐疾過池頭不容語向來屬私今屬官從
今見蟾當好看爬沙仰上青雲端

過晉陽故城書事

惠遠祠前晉溪水翠葉銀花清見底水上西山如卧屏鬱鬱
蒼蒼三百里中原北門形勢雄想見城闕雲烟中望川亭上
闕今古但有麥浪搖春風君不見繫舟山頭龍角禿白塔一
摧城覆沒薛王出降民不降屋瓦亂飛如箭鏃汾流決入大
夏門府治移著唐明村只從巨關失光彩河洛幾度風烟昏
東闕蒼龍西北虎金雀觚稜上雲雨不論民居與官府仙佛
所廬餘百所見役天財千萬古爭教一炬成焦土至今父老
哭向天死恨河南往來苦南人鬼巫好祲祥萬夫舂鐺關連

陶官街十字改丁字釘破井州渠亦亡幾時却到承平了重
看官家築晉陽

遊承天懸泉

詩人愛山愛微骨十月東來犯冰雪懸流百里行不前但覺
飛湍醒毛髮閑閑老仙仙去久石壁姓名苔蘚滑此翁可是
六一翁四十三如電抹并州之山水所泐駭浪幾轟山石
裂只知晉陽城西天下稀娘子關頭更奇闕周南留滯何敢
嘆投老天教探禹穴君不見管涔汾源大車輪平泉丈八玻
璃盆不知承天此水何所本乃與流瀆爭雄尊平地突出隨
崩奔洶如頽波射天門太初元氣未凝結更欲何處留胚腴
素蚪騰擲翠蛟舞浪浪後出皆歸鯢雷車怒擊水電散石峽
峻滑蒼烟屯懸崖下視心魄動自媿氣衰筆老勝槩過眼無

山西通志

卷二百二十二 藝文

十

由吞少東水簾亦瀟洒珠琲一一明朝墩陽龍暗滋瑤草活
礫石自與蓮湯溫神祠水之滸儀衛盛官府頗怪祠前碑藉
考失莽鹵吾聞尹革臺胎宣汾洮障大澤自是生有自來歸
有所假而自經溝瀆便可尸祝之祀典紛紛果何取子胥鼓
浪怒未洩精衛啣薪心獨苦楚臣有問天不酬肯以誕幻虛
荒驚聾聵自有宇宙有此水此水綿綿流萬古人言主者介
山氏且道未有介山之前復誰主山深地古自是有神物不
假靈真誰可侮裨官小說出問巷社鼓村簫走翁媪當時大
歷十才子爭道李諱鑣隨語石林六月清無暑人家青紅濕
窻戶射鹿有場魚有浦好築糟臺俯洲渚覆面柳瓢挹膏乳
醉扶紅袖別吳歌風雨不憂驚妬女

開闢公守平定以大安庚午來遊迄今壬子四十三年來
上俗傳介子推被焚其妹介山氏承祀要習橋新自焚燼

日如女祠碑大歷中制官李諱所撰辭旨殊夥至有百日積薪一日燒之之語鄉社至今以百五日積薪而焚之謂之祭如女云

水簾記異

黃花絕境探未窮道人曾約山櫻紅鏡臺懸流不易得世俗名取香爐峰七年長路今一到刺鯁欲滿平生胸豈知早久泉脉絕快意一濯無由供神明自足還舊觀漫浪爭取遯靈通何因狹猶山變化勝槩轉盼增清雄天孫機絲拂夜月佛界蛛網搖秋風稱奇叫絕喜欲舞恨不百繞青芙蓉銀橋清涼嶺玉鏡崧邱東世外果無物邂逅乃一逢書生眼孔塞易破勺水已復誇神功東坡撫掌應大笑不見蟄窟變魚龍

下黃榆嶺

北崖元武莫駝黑如積鐵東崖却火餘絢爛開錦纈就中嶺山西通志

卷二百二十二 藝文

主

頭一峰凸樸奇刺費寒雲幾千疊摩圍可望不可到青壁無梯猿呌絕林烟日射彩翠新跬步疑有黃金闕畫工胸次墨汁滿那得水壺貯秋月直須潮陽老筆翹萬牛露頂張顛揮醉帖石門細路無暗泉行人飢渴挽不前辛苦黃榆三十里豈知却有看山緣

遊龍山

曩予寓大梁得交此州雷與劉白間南公跨南山每恨南海北海風馬牛老龍面目今日始一見更信造物工雕鏤是時山雨晴平田綠油油並山涼氣多况得道深幽山前谷口出迎客石罅屢擊琳琅球蜿蜒入微行漸覺藤蘿胃衣樹打頭惡木拉曉棲直幹北指獨石門無風白日靜自是林響寒颼颼一峯忽當眼仰看看不休一峯二峯千百峯雖欲一一顧

山西通志

卷二百二十二 藝文

主

招絕唱須一酬爲君探囊擲下珊瑚鈎白雲相望空悠悠異時華表見老鶴姓字莫忘元丹邱

馬嶺

仙人臺高鶴飛度錦繡堂傾去無路人言馬嶺差可行此似黃榆猶坦步石門木落風颼颼僕夫衣單望南州阜落東南三百里鬢毛衰颯兩年秋

元

自金山至陰山紀行

邱處機

金山東畔陰山西千岩萬壑橫深溪溪邊亂石當道卧古今不許通輪蹄前年軍興二太子脩道架橋徹溪水今年吾道次西行車馬喧闐復經此銀山鐵壁千萬重爭頭競角誇清雄日出下觀滄海近月明上與天河通參天松如筆管直森

森動有百餘尺萬株相倚鬱蒼蒼一鳥不鳴空寂寂羊腸孟
門壓太行比斯大略猶尋常雙車上下苦敦願百騎前後多
驚惶天海只在山頭上百里鏡空含萬象縣車束馬西下山
四十八橋低萬丈河南海北山無窮千變萬化規模同未若
茲山太奇絕磊落峭拔加神功我來時當八九月半山已上
皆爲雪山前草木暖如春山後衣衾冷如鐵

綵樓并序

李俊民

高平縣綵樓閣之舊矣今始親見議者猶謂高下侈麗不
及向者三分之一因感而賦之

層層華構高且崇萬綵糾纏填毒紅何人下手奪天巧都人
意匠經營中書契以來未省見異事驚倒百歲翁郢斤般斧
莫敢近卻立屏息慙無功寒廳戛戛鳴機婦積年杼柚一日
山西通志 卷二百二十二 藝文

圭

空山川謂可錦繡裏塵土盡皆羅綺封前者攀轅後者挽奔
車徑欲趨靈宮三年送迎禮雖舊人事不與天時同方當炎
屬行夏令權勢大抵歸祝融神之於人無厚薄益以至誠能
感通豚蹄豆酒道傍祝所獲神賜亦已豐間閭疾苦還知否
我爲大夫歌大東

上九里谷與濟之君祥仲寬李德方朱壽之姚子昂同
遊漫興

太行巍巍形勢尊造物設險雄中原巨靈一朝壁石裂連峰
忽斷開山門侵雲直上幾千尺挂壁一徑愁攀援十步回頭
五步坐慄慄汗出如漿翻清風振至最高頂下視寰海塵埃
昏天壇咫尺若有待顧我不往暫食言世間好處豈不受脚
力雖盡心長有爲君試寫遠游興夜半月出清吟曉

宿仙山朝元觀題示

太行北走開四門川原落落風煙屯仙山西峙如虎踞石嶺
東抱猶龍奔道林中盤百餘畝顧揖殿殿何雄尊仙翁得仙
事恍恍碧霞洞主元元孫百年朝元去不返寶籙秘泄風雷
燄陰靈詞護石壇古老雨留漬蒼苔痕緬懷矯矯東瀛老變
化能大天漠鯢謝公本是濟時具誰使卧老東山墩豐碑不
魄蔡邕筆且拜遺像儼以溫我來夏交樹陰翳萬樹翠瑣分
蘭蓀平生素有林壑癖苦厭闌閤埃靈昏每來福地愛蕭爽
跬步乃與仙凡分山川景氣得人勝喜對羽客開清尊夜深
靜卧月東出林影布地翻瑤琨天風吹空萬籟息明星當上
手可捫恍然人境兩奇絕月露一洗清心魂世間塵土幾千
丈有夢不到瑤臺根人生幾何胡不樂例自歸束駒服轡惜
山西通志 卷二百二十二 藝文

言

哉清景不可駐一聲啼鵲開林煙明朝人事隨日出坐看蟻
穴蜂衙喧

賦龍池水 卽平水之源

姚樞

濁涇一斛幾平區白田一沃成膏腴汾水流源亦不殊循崖
挾阜不可渠姑射山高草木敷精英四散清流疏清流既出
田印種耕健耑夫疲喪車陳蕃一室還掃除淵明亦復新其
廬伯夷柳惠聖之徒其源逼窄其流污春日秋霜與化徂何
當得此輔唐虞中行未易良可吁晉人努力無爲迂

太行室

郝經

半天遮斷連青城參差雉堞雲間橫當時十歲初度河舟中
錯愕來相迎今年恰得到蘇門百泉亭上更崢嶸千岳萬壑
入絕壁落日倒銜山盡赤玉立萬仞磔鯨牙金翠千層擁驚

脊天沈影重看不足雲淨煙虛晚尤碧西北兩峰寒云是雙
石人不覺淚橫臆患難思二親一從戎馬三十年桑梓慘澹
埋荆榛何時突兀過絕頂拜埵園見鄉井黃沙神頭聞有
千尺松灑盡苦淚吟長風注目只向東海東

讀鄉先生劉景元碑

太行元氣果不死弊世有此魁傑士胸中羅列世間書泛異
窮奇無不至嘗借莊周十日還成詞未嘗遺一字萬言默識
殆片時記問區區總餘事詩文清雄簡且高闊步不讓坡谷
豪散談四座誰敢言橫膝搖吻獨滔滔未見皆如汲冢竹劃
開者若并州刀超遙孤風送行雲爽朗夜月虛秋濤初欲有
爲下天井寡鶴遂抱霜毛整時危事去可傍人清露滿天還
自警終不一到當塗門四視俗子徒紛紛洛城西南有佳處
山西通志 卷二百二十二 藝文 五

乙亥十月往平定早發土門宿故關書所見

劉因

風烟全趙如平掌失脚山城夢猶想土門一縷漢時天萬古
行人爲誰仰指似劼敵談笑中爲狀靡僕忍寒強當年鼓角
如可聞急著清吟和林響遠山宛欲來相迎近山留人屹相
嚮或從井底忽登天倚伏已能先想像平生愛山真惡識今
日果爲山所網昨朝爽翠擁修眉最恨高樓負清賞壯懷鬱
鬱悶欲絕絕安得凌風恣吾往天教石頂放一頭駛若驪駟脫
羈鞅山靈努力出奇供只恐先生駕虛枉萬壑霜松動悲嘯

極目雲烟埋^缺二北門形勢護中原辦與姦雄增技癢太行
橫絕半九州留在平原幾塵埃何人爲我起六丁嗟我盡鑒
天宇朗千年再挽神禹功恍若鴻流開四象

法帖歌謝張元禮兼呈按察先生

王惲

君不見晉人九京吾莫與天遣元精留繭緒絳州一帖天下
奇要以鍾王爲藝祖內家中秘無難收餉問等書爲世取固
知瓦注覲天巧虎臥龍跳照今古嗟予嗜書時所守集古無
由似歐九玉城陸海幾燃犀下照光恠駢萬首管窺雖得見
一斑隨卽遺忘非我有承君惠此石本佳銀字模糊眞敵帶
奔蛇走虺幾千丈詭狀奇形驚戶牖手追心摹日有得顏氏
服膺承善誘明窓一日百回看什襲深藏重瓊玖孰云好奇
家四壁破屋潤餘豐且部三杯適喜徑醉眠墨池濡首追狂
山西通志 卷二百二十二 藝文 五

襄陵行

詩問君君豈然一笑乃父中令前

暮春庚辰日維丙駕言出遊事耕省西郊微雨半晴陰幾點
殘雲露山頂馬蹄踏破落紅香飛盡追隨垂柳影晉人熟食
三月節店舍無烟竈厨冷春到襄陵滿縣花綠陰池館總姚
家清樽遠酌會心賞不與鶯燕爭春華畫輪歸轍故堤沙金
店西頭酒更嘉舉杯爲憶劉漢事雲龍風虎何紛拏僞淵東
開蓄峻址青衣行酒眞驚鷹塞惟一笑兩寂冥野老指點宮
臺窪萎迷草碧荒城曲依舊溪流帶北斜

又北洞

南山截然如案齊東山兩崖如抱圍洞中仙人去不返老柏

滿岩空翠微我來天氣二月初山鳥山花皆友于野情本與
樵漁熟莫遣遊人避使車

平水神祠歌

陳賡

黃河如絲導崑崙萬里南下突禹門支流潛行天地底派作
八道如霆奔吾聞川嶽有真宰况乃利澤開洪源龍神窟宅
瞰平野千古廟貌何雄尊深林含蓄雷雨潤冷殿似帶波濤
痕我來南州走塵坐執熱未濯憂思煩試斟甘冽洗肝肺一
勺注腹清且熾悠然晞風坐東廡倏見繪畫如飛鸞仙宮華
裾乘朱軒旗幟掩謁蛟伏轅雷公電母踏烟霧天吳海若驅
鼉鼉何時偕取霹靂手倒挽銀漢清乾坤廟前老翁顧我語
孺子未易排天閹胡為高論乃如此一笑春風滿面溫是時
三月遊人繁男女雜還簫鼓喧驚菱沈玉答靈貺割牲醴酒
山西通志 卷二百二十二 藝文 七

傳巫言巫言恍惚廟扉闔拜手上馬山烟昏

灤陽張節婦瓶中杏枝著花因賦

袁桷

陶人妙合陰陽機凍壺頃刻回芳菲盈盈綠房綴冰蕊玉蝶
婀娜穿帷飛佳人蓬鬢不下堂手繡孤鳳橫匡牀寶刀剪繪
試春色翠袖慘澹顏無光鳥頭可白珠九曲造物深知憐不
足故應試此一技春點綴扶疎驚衆目君不聞天上飄髯龍
平陸成波濤又不聞壁間壺兩曜瞬息如跳珠齊諧茫昧不
可詰炯目看朱動成碧張氏之壺如截肪真火鍊質千年剛
枯根借潤表貞志慎勿語怪歸荒唐

堯帝廟

王磐

上古元氣淳以腴羣聖既出如傳臚高辛登天帝摯痛爰有
真人起參墟黃收純衣握帝符馬如白練彤雲車璇璣玉衡

擬天樞七政循軌萬物舒耕田鑿井人自娛帝力於我何有
諸千秋萬古仰範模皎如白日臨天衢川流山峙雨露濡聖
人德澤何時枯胡南漢北聲教俱矧茲河汾其故都邦人謬
耀榮鄉閭遺廟世守無代無遷新去故奠神居道人精誠與
神孚軀稜金碧凌空虛采椽土堦與古殊歲時香火喧笙竿
神兮歸來駐鸞輿祐我聖祚窺皇圖

李陵縣軍遇敵圖為秦孝先題

陳泰

壯哉射虎將軍孫惜哉扼虎邊軍魂旌旗半捲日光薄風吹
野水秋無言生降孰與死戰樂天子未負將軍恩陣前八駿
血為淚仰面不見咸陽門祁連山頭堆首級將軍多馬今何
贖

乙巳清明遊青陽峽

段克已

山西通志

卷二百二十二 藝文

七

東山氣象太猛悍萬馬駸駸來楚甸中分不肯割鴻溝銀礪
戈矛期一戰西山折北如西漢獨餘絳灌奔而殿誰為劉項
決雌雄賴有韓彭力相援盧溝直下兩水合泯泯暗流通一
線突為瀑布出山口流沫成輪浪成淀前逾百步落石甕黛
蓄膏渟那敢眈沈沈南去若白虹為嶼為泚互隱見鑿開渾
沌幾千秋世俗雖見如不見今人雖有筆如椽為寫佳名傳
寓縣人問佳節重清明呼兒折簡招諸彥一生能著幾兩屐
佳處每欲經行遍山靈著意勸遊人吞吐烟霞生萬變山阿
玉女跪焚香嚴畔仙人一笑倩居者儼若帝王尊劒佩雍容
侍問宴植者磊落如鉅人聚立廣庭議封禪拱者矯矯如勇
夫執戈夾祀著綦弁平灘淺瀨乍可揭溪路曲隨峰勢轉葛
屨偏宜苔蘚滑行襟時被薔薇背當面烟嵐舞翠蛟出岫閒

雲飄素練羣行不復事拘檢眼正明時脚還倦班荆共坐溪
上石柅救濁醪具時饌良辰無奈夕陽催羽觴正要清歌薦
醒心况復有寒泉玉池遍返成三嘯三分春色二分休風外
飛花時一片古人行樂欲及時半百之年猶掣電惟有愛山
緣未斷夢寐孱顏添健美一窮到骨不自治虛負胸中書萬
卷謾向山邨老却人生來不識荊州面肝膽槎牙須酒澆顧
我非狂亦非狷紛紛世無真是非棄置從渠若秋扇歸來新
月偃林梢寂寞衡門掩深院

戊申四月遊禹門有感

黃河一線天上來兩山突兀屏風開天生聖人爲萬世驚濤
拍案鳴春雷冷雲直上三千尺石巔古廟高崔巍斷碑歲月
不可考丹靑剝落空莓苔嗟乎去古蓋已遠荒辭漫汗相驚

山西通志

卷二百二十二 藝文

无

猜安居平土果誰力愚民耳目誠可哀一聲漁笛起何處滄
州雅興還悠哉

溪行中秋翫月并序

薩都刺

余乃薩氏子家無田囊無儲始以進士入官爲京口錄事
長南行臺辟爲掾繼而御史臺奏爲燕南架閣官歲餘還
閩海廉訪知事又歲餘詔進河北廉訪經歷皆奉其母而
行以祿養也後至元三年八月望舟泊延平津是夕星河
燦然天無翳雲月如白日溪聲潺湲若奏樂四山環抱如
拱如立如侍左右奔走執事者薩氏子奉母坐船上與其
婦具酒餽盤饌奉觴上壽繼而若妹若婿若婢若僕以次
而進和而不褻謹而怡怡月色蕩酒而溪韻維笑談母慍
甚至舟人醉飲亦相與鼓柁作南歌而樂今夕何夕不知

奉親之在異鄉也嗟夫昔人所謂宦遊之樂不如奉親之
樂實天樂也薩氏子於是命婦盟爵滿以酒再拜爲母壽
而作歌曰

龍津秋水涵太虛今夕何夕光景殊皓月當鏡星貫珠河漢
倒影垂平蕪微波漾漾風徐徐新涼拂拂飄裙裾阿母今年
八十餘清晨理髮雲滿梳起居儼重天人如有子在官名在
儒奉母祿養南北區晨昏不忍離斯須荆楚燕趙閩粵吳今
年去官南海隅北上咫尺天子都官船軋軋如安車阿母坐
卧襟懷舒清晨夜泊不知拏母在船上重褥鋪芙蓉映水搖
氈氍開甕酒熟浮新蛆秋園摘果兩剪蔬船尾曲突通行厨
家雞水鴨美且腴鯉鯽鮮大如江鱸奉觴酌酒前拜趨月波
蕩酒如浮酥子爲母壽婦壽姑阿妹次進偕壻夫酌獻亦及

山西通志

卷二百二十二 藝文

三

婢與奴熙熙春盎無親疏行禮有節俱歡娛阿母笑語情愉
愉有婦右策兒左扶舟人醉飽從歡呼鼓柁節歌聲鳴鳴四
山疊翠開畫圖溪瀨漱石如笙竿雙壺酒盡卽可酤盤饌狼
藉溪可漁人生此樂更有無異鄉到處同里閭惟期母壽莊
椿逾有子願效返哺鳥作詩記實無浮譽至元丁丑仲秋書
并州歌送張彥洪使畢還河東

張翥

吾鄉故人零落盡見子老成殊慰心祥金百鍊乃利器桐尾
方焦逢賞音河東臬府幕下士飛傳來作朝正使太和嶺上
盜已空旌旗盡是官車紅殺人如麻道路絕朝狐莫臬競巢
穴嚴風剝起霜倒飛寒日黯淡寒無輝子來未幾遽言歸使
我東望淚沾衣豈不聞并州少年遊俠子手攜玉龍最輕死
并州將軍劉越石夜半登臨長懸起汾河直來繞郡城鴈門

離石寒嶂嶸老晏四葉彈丸地大梁全師勞再征一朝征賊
輒破碎大將不誅天失刑爲子作歌歌憤激眼中太行如動
色安得壯士射烏弓爲落機槍連太白

小隱爲居延王孫德新賦

鄭 韶

草堂三日風雨驚閉戶不聞車馬聲書簽頗怪燕泥濕井屋
忽看春草生王孫亦在城西住手種團團青桂樹朝來讀書
不下堂自寫淮南小山賦

禹廟詩有引

歸 賜

至正庚子賜辟地至縣縣夏都也舊隸安邑後爲縣猶以
夏爲名故縣有大禹廟在城西邱上賜思今天下耕以食
織以衣棟宇以息冠裳以游者微夏先王則爲魚久矣四
海當通祀別專其故都哉賜將往百拜廟下以病不果謹

山西通志

卷三十二

藝文

三

爲詩侯題廟壁縣人劉大有來請刻石遂書以遺之

茫茫天壤間何處無禹迹維南瞻衡山有北見碣石東方渤
解西流沙四載所經今歷歷昔者下巢上窟昏墊勞人如蛭
蟻山如螻齊烟不復分九點安有草木能天喬八年獨與鬼
神語萬里乃見魚龍逃青揚竟雍辨區域漆絲紉紵隨菁茅
黃河東流流入海九鼎不傳皇極在先王故國古河東巋然
尚有神明宮四海魚頭萬赤子孫孫子子如斯螽豸無一辨
香再拜生成功矧當昔年三過處物不疵癘田年豐翻翻河
漢甕飛龍前驅蜚廉後豐隆男歌女舞來無窮豈不聞漢家
千秋萬載隆準公魂魄猶然思沛中

題司馬溫公墓

宋家元祐幾百年白日已墮吳山前當時中國相司馬至今

猶有兒童傳蒼生苦被青苗誤杜鵑飛向江南去蝸蝓百鳥
噤無聲阿閣新栽鳳凰樹山河不動風雨時神孫大母俱無
爲熙寧一變如慶歷滿眼元氣春淋漓粉旆低昂歸淶水老
鴛却化千年鬼東京王氣冷如水五國降人作芟子

阜山道院

張 穀

仕至將相登王侯黃金積斗錢山邱朝遊繁華夕憔悴勢利
溝壑韜戈矛郿塢金谷委陳迹古今興廢恒相侔全真道士
拋世慮瓢盂醉飽餘何求淳風化善革貪暴無爲卽與松喬
儔閭閻星集構棲止烟霞幻出洪崖頭長生久視置勿究超
然物外絕悔尤孤雲一片恣去留廣輪八表恢神遊

題明月泉

李文甫

按治河汾山路遙勝跡名踪盛追考隰川北去路修回水碧

山西通志

卷三十二

藝文

三

山青現靈寶嫦娥駕出桂月輪飛上巔崖照蒼昊一泓寒水
碧澄澄千丈銀蟾光皎皎瑩奪寶鑑朗空明冷浸冰壺泛清
皓悠悠物理直難明造化逞奇出天巧冠蓋經由恣覽觀馬
頭似照行人早當年隱隱春雷傳石裂泉噴鏡未保日月飛
入九霄雲澄波亦散途中潦山中冷落車馬稀祇見石頑土
空老後來賢牧重修鑄成敗應知非偶然巨斧一揮修月手
却訝米輪飛下天石泉明影宛如古遊人車馬復爭覩我來
自謂觀民風幾欲尋幽問修阻壁間細讀節齋詩想懷幽奇
冠汾許不徒照映賞清妍政宜寫入丹青譜

玉壁城懷古

王 暉

我行河東幾欲徧大抵盤回山阜轉南崖高與北山齊玉壁
城根分一綫荒烟廢壘點坏土砲具梯衝經百戰短碑盛說